

بِسْمِ اللَّهِ الرَّحْمَنِ الرَّحِيمِ



## Khutba Jummah

Hazrat Khalifatullah Muir. A. Azim (atba)

04 Septembre 2020  
15 Muharram 1442 AH

Après ki li fine salué tous so bane disciples (et tous bane Musulmans) entier le monde avec le *Salaam* - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lors :

### *Duhs (Invocations) (Pt. 9)*



*Alhamdulillah, Summa Alhamdulillah, mo implore Allah par So bane pli jolis noms et So bane attributs ki pli sublimes, et mo remercier Li pour l'occasion béni ki Li fine accorde moi pour continuer le Khutba Jummah lors bane duhs de Hazrat Muhammad (saws). Mo faire sa zeffore là seulement par la grâce et l'aide d'Allah. Mo implore Li également pou ki Li faire moi*

*profite de sa, tanque ki mo vivant [lors sa la terre là] et après mo la mort aussi, et ki mo faire bane les autres aussi profite de sa bane duhs là – bane dimounes ki pou lire sa bane Khutbas là lors website du Jamaat Ul Sahih Al Islam. Tout louange pour Allah Le Tout-Puissant et nous faire So louanges et nous implore So l'aide ainsi ki So pardon. Ameen.*

Le Saint Prophète Hazrat Muhammad (saws) quant à li, li dire nous : « *Celui ki mazine So Rab et celui ki pas mazine Li, [so situation] li pareil couma pou ene vivant et ene mort [respectivement].* » (Muslim)

Quiconque récite ene lettre du Livre d'Allah (le Qur'an) li pé en fait accompli ene bonne action kot li conne très bien ki sak bon action [ki li pou faire] pour être récompenser en abondance. Et quant mo pé dire sa, mo pas pé rode dire ki lettre veut dire : *Alif-Lam-Mim*, ene sel trait. Non, parski *Alif* li ene lettre, *Lam* li ene lettre et *Mim* li ene lettre. (Tirmidhi)

Maintenant anous guette bane *duahs* ki Hazrat Muhammad (saws) ti ena l'habitude pou faire:

**Allahumma anta Rabbi, Laa Ilaaha Illa anta khalaqtani wa ana abduka, wa ana ala ahdika wa wa'dika maa stata'tu. Audhu bika min sharri maa sana'tu. Abu'u laka bini'matika alayya wa abu'u bi-dhanbi. Faghfir li fa-innahu laa yaghfiru dh-dhunuuba ilaa anta.**

*Ô Allah (Ô mo Rab) ! C'est Toi tousel Mo Maître et c'est Toi tousel Qui mérites l'adoration ! C'est Toi Qui fine crée moi et mo To serviteur. Mo soumette à l'engagement ki mo fine prend envers Toi et à To promesse dans la mesure de mo bane capacités. Mo cherche refuge auprès de Toi contre le mal de mo bane actions. Mo reconnaite To faveur lors moi et mo reconnaite mo péché. Accorde-moi donc To pardon parski péna personne qui pardonne bane fautes excepter Toi.* (Bukhari)

**Allahumma afini fi badani. Allahumma aafini fi sam'i. Allahumma aafini fi basari Laa Ilaaha Illa anta. Allahumma inni audhu bika minal kufi, wal-faqri. Wa audhu bika min adhabil-qabri. Laa Ilaaha Illa anta.** [à réciter 3 fois]

*Ô Allah (Ô mo Rab) ! Maintenir-moi [Garde-moi] en bonne santé. Ô Allah ! Préserve la santé de mo z'oreille [de mo faculté pou tender]. Ô Allah ! Préserve la santé de mo lizié [de mo faculté pou trouver]. Péna aucaine les autres bondiés ki mériter d'être adoré excepter Toi. Ô Allah ! Mo cherche refuge auprès de Toi contre la mécréance et la pauvreté, et mo cherche refuge auprès de Toi contre*

*bane punitions dans tombe. Péna aucaine les autres bondiés ki mérite d'être adoré excepter Toi. (Bukhari, Abu Dawud, Ahmad)*

**Hasbiy-Allahu Laa Ilaaha Illa huwa alayhi tawakkaltu wa huwa Rabbul arshil azeem.** [à réciter 7 fois]

*Allah suffit pou moi. Péna aucaine les autres bondiés ki mérite d'être adoré excepter Li. C'est en Li ki mo place mo confiance et c'est Li le Maître du grand Trône. (Abu Dawud)*

Quiconque prononce sa bane paroles là sept fois le matin et le soir pour trouver ki Allah pou épargne li de tous bane tracas ki pé préoccupe li, ki li lors sa la terre là, et ki li concerne *Aakhérat* aussi.

**Allahumma inni as'alukal-'afwa wal-'afiyah fid-dunya wal-akhirah. Allahumma inni as'alukal-'afwa wal-'afiyah fi dini wa dunyaya wa ahli wa mali. Allahum-mastur 'awrati, wa amin raw'ati wahfazni min bayni yadayya, wa min khalfi, wa 'an yamini wa 'an shimali, wa min fawqi, wa 'audhu bi-azamatika an ughtala min tahti.**

*Ô Allah (Ô mo Rab) ! Mo implore Toi pou accorde moi To pardon et To protection dans sa la vie ici-bas là et dans l'au-delà (Aakhirat). Ô Allah ! Mo implore Toi pou accorde moi To pardon et To protection dans mo la religion, mo la vie, mo famille et mo bane di biens. Ô Allah ! Couvert mo bane défauts et rassure-moi quant à bane peurs ki pé tiraille moi [endans]. Ô Allah ! Préserve-moi de tout saki capave survenir devant ou derrière moi, à mo droite, à mo gauche ou là-haut moi, et mo cherche refuge auprès de To toute grandeur contre [ene malheur ou ene la mort] ki capave surgir enbas moi. (Abu Dawud, Ibn Majah)*

**Kan sorti dépi la caze :**

**Bismillahi tawakkaltu 'alallahi la hawla wala quwwata illa billah. Allahumma inni a'udhu bika an adhilla aw udhalla, aw azhlima aw uzhlama, aw ajhala aw yujhala 'alayya.**

*Au nom d'Allah, mo place mo confiance en Allah. Péna kit la force ni puissance excepter en Allah. Ô mo Allah ! Mo cherche refuge en Toi pour ki mo pas égare*

*personne, ou ki mo alle égaré, ki mo pas faire ditort à bane les autres ou ki les autres faire moi ditort, ki mo pas faire du mal [par ignorance] ou ki mo pas victime de mal.*

**Pour ene dimoune malade :**

**Allahumma Rabba n'naas, adh-hibil ba's, washfi, antash-shaafi laa shifaa illa shifaa'uka, shifa'an laa yughaadiru saqamaa.**

*Ô Allah ! Maître de tous bane dimounes, éloigne sa mal [sa maladie] là et donne Guérison. C'est Toi Le Guérisseur. Pas ena guérison excepter saki vine de Toi. Ene Guérison ki pas laisse aucaine trace de la maladie.*

**Yaa Hayyu Yaa Qayyoomu birahmatika 'astagheethu 'aslih lii sha'nii kullahu wa laa takilnii 'ilaa nafsii tarfata 'aynin.**

*Ô Celui Qui Vivant ! Ô Toi Qui Le seul à être imploré pour saki nous désirer ! C'est à To miséricorde ki mo faire appel. Améliore mo situation et pas livre moi à moi-même, même pou ene ti moment. (Hakim)*

En d'autres mots, pas laisse moi prend bane décisions ki vine de moi-même, mais faire ki c'est Toi seul Qui contrôle mo l'âme et prend tout décision ki concerne moi.

**Allahumma 'innaka khalagta nafsii wa 'anta tawaffaahaa, laka mamaatuhaa wa mahyaahaa, 'in 'ahyaytaahaa fahfadhaa, wa 'in 'amattahaa faghfir lahaa. Allahumma 'innii 'as'alukal-'aafiyata.**

*Ô Allah (Ô mo Rab) ! C'est Toi Qui fine crée mo l'âme et c'est Toi Qui pou reprend li. De Toi seul so la vie et so la mort dépanne. Préserve-li donc si To maintenir li en vie et accorde-li To pardon si To rappelles li (mo l'âme) à Toi. Ô Allah ! Mo supplier Toi pou accorde moi la force [santé]. (Muslim, Ahmad)*

**Allahumma qini 'adhaabaka yawma tab'athu 'ibaadaka.**

*Ô Allah ! Préserve-moi de To punition le jour kot To pou réssuscite To bane serviteurs. (Abu Dawud)*

**Allahumma bismika amutu wa ahya.**

*C'est en To nom, Ô Allah, ki mo pou bizin mort ou reste en vie. (Bukhari, Muslim)*

**Quand nous fine perdi kitchose :**

**'Asaa Rabbuna an yubdi-lana khayran minha inna ila Rabbina raghibuun.**

*Nous espérer ki nous Rab (Maître) retourne nous saki pli meilleur ki sa. En vérité c'est vers nous Maître ki nous tourner.*

**Pour nous gagne succès et pour ki nous travail vine facile :**

**Rabbana atina milladunka rahmataww wa hay-yi lana min amrina rashada.**

*Ô mo Maître ! Accorde-nous To miséricorde et montrer-nous le bon chemin dans nous bane zaffaires.*

**Rabbish rahli sadri wa yassirli amri.**

*Ô Maître ! Ouvert mo la poitrine et rende mo travail facile.*

**Contre la colère extrême :**

**Allahummagh firli zambi wazhib ghayza qalbi wa adjirni minash-shaytan-ir-radjim.**

*Ô Allah ! Pardonne-moi mo bane péchés, retire sa colère étouffant là de mo léccœur et mette-moi à l'abri de Satan, le maudit.*

**Pour défanne nous contre l'ennemi :**

**Allahumma inna nadj'aluka fi nuhurihim wa n'auzu bika min shururihim.**

*Ô Allah ! Nous place Toi contre zot et cherche refuge avec Toi contre zot méchanceté.*

## Quand nous à table (pou manger) :

**Bismillahi wa 'ala barakatillah.**

*Au nom d'Allah. Et avec bane bénédiction d'Allah.*

## Après repas :

**Alhamdu lillahil-lazi at'amana wa saqana wa ja'-a-lana minal musliméen.**

*Tous bane louanges zot pou Allah [C'est Allah tousel Qui mérite tous louanges et c'est Li] Qui fine fourni nous bane aliments [manger] et fine donne nous boire et fine faire nous bane musulmans (bane ki soumette à Li).*

**Alhamdu lillaahil-lazi 'atamana wa saqaana, wa kafaana, wa aawaana. Fakam-mimman laa kaafiya lahu wa laa mu'wi.**

*Louanges à Allah Qui fine nourri nous, donne nous boire, fine épargne nous et garde nous en sécurité. Parski commié [dimounes] péna personne ki pou suffit pour zot pou donne zot asile (refuge). (Muslim).*

## En faisant la charité :

**Rabbana taqabbal minna, innaka antas sami'ul aliim.**

*Ô nous Maître ! Accepte sa de nous, car To Celui-Qui-Entende Tout, Celui-Qui-Conne Tout.*

Mo implore Allah (swt) pou donne moi le *Tawfiq* pour continuer lors le même sujet de bane *duahs* de nous Nabi Kareem (saws) la semaine prochaine. Ki tous bane frères et sœurs et zenfants profite le maximum de sa bane *duahs* là dans zot bane activités de tous les jours. *Insha-Allah, Ameen, Summa Ameen. Ya Rabbul Aalameen.*

Avant mo terminer, mo partage avec zot ene très joli rêve ki mo fine faire lors ene mo très cher disciple, **Naib Amir** Janab Shahul Hameed Faisal Sahib et so la famille.

Mo fine faire sa rêve là ce matin [le 04 Septembre 2020] avant Tahajjud. Sa rêve là li comme suite :

Mo trouve mo très cher disciple **Naib Amir** Janab Shahul Hameed Faisal Sahib fine vine zoine moi et faire *Mussaafa* (l'accolade) avec moi. Nous ti pé guette ene terrain et finalement li fine prend ene brique (ene bloque) et batte ciment et li fine donne moi sa bloque là pou poser. Kan mone fini pose bloque et faire *duahs*, li ensam avec moi et li pé monitor bane travaux pour la construction d'ene Masjid ou ene bâtiment pour le Jamaat [Kan mo pé dire li bane travaux pou fer, avant ki mo fini dire même toute suite li ti pé obéir et fini fer travail là]. Après ene ti moment, fine ena ene manifestation dans lé ciel ki ressembler à bane *confettis* [c'est pas exactement bane *confettis* mais li ressembler impé couma *confettis*] ki fine tombe lors nous, et alors mo pé dire li : « **Guette sa blessing [bénédictio] ki ou pé gagner du ciel. Ou pé gagne ene grand grand blessing [bénédictio].** »

Après ene ti moment, mo trouve so la famille aussi présent et tous ensam pé gagne sa bane bénédictio là. Ensuite, li pé aller, mais avant li aller li refaire accolade avec moi ; mais sa façon li faire accolade là, couma dire li pas pé rode aller. Li envie reste avec moi. Kan li ti pé faire accolade avec moi, Allah fer moi conne la sincérité du cœur de **Naib Amir** Janab Shahul Hameed Faisal Sahib, ki kantité li extra sincère, li ena beaucoup de respect et d'obéissance pou moi, pour Allah et So Khalifatullah et li ene dimoune bien bien humble, kot kan li pé zoine moi, li pé baisse so la tête avec beaucoup de respect [d'ailleurs dans so la vie de tous les jours aussi li coumsa]. Ensuite mo trouver c'est pas « *confetti* » ki pé tombe lors li, et so la famille aussi, lors nous tous, mais c'est ene la lumière extraordinaire ki pé tombe lors nous. Et mo pé félicite li pour So bane travaux de *Deen* ki li pé faire, et à ce moment là ena beaucoup de bane « *zoiseaux* » aussi pé chante la gloire d'Allah et pé félicite li aussi dans sa façon là. Et alors mo dire li : **'Insha-Allah, you will bring many souls in the fold of the Jamaat UI Sahih Al Islam [Insha-Allah, ou pou amène beaucoup bane l'âmes dans le cercle du Jamaat UI Sahih Al Islam].'**

Et ensuite, mo pose la main lors la tête lors ene de so garçon et mo pé dire : **« Insha-Allah, Allah pou béni li et li pou faire beaucoup bane travaux Jamaat [Jamaat UI Sahih Al Islam]. »**

Ensuite, zot conner couma rêve été, comme-ci dirai zot fine aller, ou mo fine quitte zot compagnie et mo fine rêve mo papa [Marhoom Solim Azim].

Après sa, mo fine rétrouve **Naib Amir** Janab Shahul Hameed Faisal Sahib et so la famille [so madame et zot bane zenfants] pé marcher dans ene bien joli jardin, rempli de bane roses, ene jardin bien vert. Pour li, li envie reste en compagnie du Khalifatullah. Kan li ré-trouve moi encore, li fine révine zoine moi encore et faire l'accolade. Mo rêve fine fini lors là.

Donc, mo faire *duahs* ki Allah toujours maintenir sincérité et *Taqwa* de mo très cher disciple **Naib Amir** Janab Shahul Hameed Faisal Sahib et so madame et so bane zenfants et ki Allah béni zot pou accompli bane grands travaux pour le Jamaat ; pas seulement zot, mais aussi tous mo bane disciples sincères dans le Jamaat Ul Sahih Al Islam. Ki Allah contigner béni zot avec bane jolis rêves, visions, inspirations et révélations. Ki Allah maintenir zot toujours lors le *Siratwal Mustaqeem* [le droit chemin]. *Ameen. Summa Ameen, Ya Rabbul Aalameen.*